



Leif og Einar Havre  
Oppetveiten 25  
5262 ARNATVEIT

Dato: 20.05.2014  
Vår ref.: 2014/378-38  
Saksbehandlar: irekron  
Dykkar ref.:

## Havrå, Andersløa, gnr 68 bnr 8. Osterøy - Askeladden ID: 96791-4 Statsbudsjettet 2014 kap 1429 post 71 Tilskot til freda kulturminne, kulturlandskap og kulturmiljø

Vi viser til søknaden Dykkar, dagsett 29.11.2013.

Søknaden vart handsama av Kultur- og ressursutvalet i møte 09.04.2014, sak 49/14.

Kultur- og ressursutvalet løyvde den 9. april kr. 190.000,- til tiltak på 2 løer på Havrå, Semensløa og Andersløa. Deretter handsama Kultur- og idrettsavdeling eit brev frå Museumssenteret, dagsett den 18.mars 2014.

I brevet frå museumssenteret vart HFK beden om å omdisponere midlane frå Semensløa til Andersløa, fordi Andersløa har mest alvorlege skada og representerer ein fare for folk som ferdast i tunet. Sidan Kultur- og idrettsavdelinga har fullmakt til å omdisponere midlar innafor dei omsøkte tiltaka, har vi vedteke og omdisponere midlane som vart løyvd til Semensløa, til Andersløa. Grunnen til dette er at med kr. 190.000,- klarar ein ikkje å fullføre dei skisserte tiltaka, men må anten utsetje tiltaket og søkje om meir midlar neste år, eller starte opp eit tiltak som ikkje vert ferdig restaurert grunna manglande finansiering.

På grunnlag av dette løyver vi **kr. 380.000 til Andersløa**, av midlar frå statsbudsjettet 2014, kap. 1429 post 71 tilskot til freda kulturminne i privat eige, kulturlandskap og kulturmiljø i Hordaland.

### Tidsavgrensing

Tilsegna er gitt for inneverande år og kan overførast til neste år. Tilsegna fell bort etter 2 år dersom ikkje særskilte grunnar tilseier at prosjektet kan forlengast. Det må søkjast spesielt om overføring av tilskotet til neste år.

### Godkjende planar

Det må liggja føre planar godkjende av seksjon for kulturminnevern og museum, **før** arbeidet vert sett i gang.

*Dei fleste inngrep i freda bygningar krev dispensasjon etter kulturminnelova § 15a. Tilsegn om tilskot er ikkje det same som dispensasjon. Før det vert sett i gang arbeid som inneber utskifting av material og/eller bygningsdelar, ny overflatehandsaming eller farge, eller anna arbeid som går ut over enkelt vedlikehald på freda bygningar, må det difor sendast eigen dispensasjonssøknad der dei planlagde tiltaka vert skildra detaljert. Hastar det med å koma i gang med arbeidet, kan De ringa oss v/ David Sandved 55 23 91 85), så skal me vera så raske og fleksible som mogleg for å få det formelle på plass.*

**Arbeidsgjevaransvar**

Søkjaren må sjølv stå som arbeidsgjevar for dei handverkarane som utfører arbeidet. Dette inneber at rekningar skal adresserast til søkjar, som må forskottera utbetalinga.

**Vilkår for utbetaling av tilskot**

Det utførte arbeidet skal godkjennast av seksjon for kulturminnevern og museum for utbetaling. Søkjar må senda oss rekneskapsoversikt med kopiar av bilag tilsvarande ein sum minst så stort som tilskotet. Det må takast atterhald om heil eller delvis tilbakebetaling av tilskotsmidlane dersom det viser seg at prosjektet ikkje er blitt gjennomført etter føresetnaden. Søkjaren må senda rapport om det utførte arbeidet, dokumentert med fotografi, både før og etter arbeidet.

Fylkeskommunen og fylket sin revisor skal ha høve til å setje i verk kontroll med at midlane vert forvalta slik som føresett. Fylkeskommunen og fylket sin revisor skal ha rett til dei opplysningane ein finn påkrevd for sin kontroll.

**Retningslinene frå Riksantikvaren**

Vi legg ved retningslinene frå Riksantikvaren, men gjer merksam på at De i denne saka skal kontakta **Hordaland fylkeskommune og ikkje Riksantikvaren**. Vi gjer også merksam på at skjemaet **aksept for vilkår av tilskudd** må returnerast seinast **4 veker** etter at dette brevet er motteke.

Vedtaket kan påklagast til Riksantikvaren, jf. forvaltningsloven § 28. Ein eventuell klage skal stilast til klageinstansen, men sendast Hordaland fylkeskommune innan tre – 3 veker frå mottaking av dette brevet.

Anna Elisa Tryti  
fylkesdirektør kultur og idrett

Per Morten Ekerhovd  
fylkeskonservator

Sakahandsamar: Stein Ottosen

*Brevet er godkjent elektronisk og har derfor inga underskrift.*

Kopi til:

Riksantikvaren	Postboks 8196 Dep.
Osterøy kommune	Hatland
Museumssenteret i Hordaland	Salhusvegen 201